



KOMUNIKADO PA PRENSA

Fecha
10 di yuni 2016

Kolaboradó di Maneho
Corinne Leysner

Email
corinne.leysner@gobiernu.cw

RUTANAN ALTERNATIVO PA HABITANTENAN DI KAMINDA POPO ROJER

Willemstad – Despues ku e trabounan preparativo a tuma lugá, riba djaluna dia 13 di yuni próksimo, e trabounan di mantenshon mes ta kuminsá na Kaminda Popo Rojer. Esaki ta nifiká ku ta bin opstrukshon di tráfiko riba e kaminda ku por forma molèster pa e habitantenan. Huntu ku ABC busbedrijf i polis tékniko, Obra Públiko a yega na un ruta alternativo pa transporte públiko, pa asina e habitantenan por ta sigur ku nan por yega kaminda nan ke yega, sin muchu problema.

Outomobilistanan den e area lo haña guia kon pa pasa riba e kaminda. Esnan ku no ta biba den e barío lo haña instrukshon for di riba kaminda grandi pa no dreña Kaminda Popo Rojer, debí di e trabounan di konstrukshon.

E kaminda aki na Bandabou, ku ta kore entre e krusada di Sta.Cruz i Barber ta den mal estado, ku burako i asfalt ku a sak i ta kibrá. Ta tuma un aña i seis luna pa drecha e kaminda. Komo parti di infrastrukтура pa stimulá un trafiko mas sigur, ta bini un rotònde riba e kaminda na altura di Pos di Gobièrnu. Kaminda Popo Rojer ta un di e kamindanan ku tin trabou di mantenshon atrasá, ku ta paresé den e lista di planifikashon di 'inhaalslag 2015'. Pa e kamindanan aki, meskos ku esnan di 'inhaalslag 2014', no tabatin fondo disponibel. Minister Suzy Camelia-Römer a instalá un Komishon di Infrastrukтура pa evaluá e proyektonan i pa despues, ku koperashon di Minister Jardim di Finansa, pone e fondonan nesario disponibel. Resultado bunita ta, ku awor por drecha diferente kaya di Kòrsou, inkluso Kaminda Popo Rojer.

E trabounan na Kaminda Popo Rojer ta tuma un aña i seis luna pa kaba. Durante di e periodo ei habitantenan ta keda haña informashon tokante e trabounan. Pero si tin pregunta semper por hasi esei via di adrès di email infovvrp@gobiernu.cw.